

聚學軒叢書



九曜齋筆記卷二

聚學軒叢書第三集

元和惠棟撰

貴池劉世珩校刊

鄉飲酒

儀禮鄉飲酒疏曰凡鄉飲酒之禮其名有四案此賓賢能謂之鄉飲酒一也又案鄉飲酒義云六十者坐五十者立侍是黨正飲酒亦謂之鄉飲酒二也鄉射州長春秋習射於州序先行鄉飲酒亦謂之鄉飲酒三也案鄉飲酒義又有卿大夫士飲國中賢者用鄉飲酒四也其王制云習射尚功習鄉尚齒還是州長黨正飲酒法

王駿不再娶

王吉傳子駿爲少府時妻死因不復娶或問之駿曰德

非曾參子非華元亦何敢娶如淳曰華與元曾參之二子也韓詩外傳曰曾參喪妻不更娶人問其故曾子曰以華元善人一日曾參之子字華元師古曰二子是也

喪次

士喪禮曰主人揖就次鄭注曰次謂斬衰倚廬齋衰堊室也大功有帷帳小功緦麻有牀第可也

事三旬而成不愆於素

士喪禮獻材於殯門外主人徧視之又云獻素獻成亦如之鄭注云形法定爲素飾治畢爲成彼言斲治梓材之事如鄭說則素者前所投之形法也成者城工畢也

鄒邠

陸績述玄曰績昔嘗見同郡鄒邠字伯岐與邑人書歎
楊子雲所述太玄伯岐爲吾吳人物未知吳郡志載否
陸績述玄一篇見范望本太玄前

賁色不純

太玄磻次二曰磻象屯卦黃不純屈于根范望注曰二在三
下木下有火故相屈也不純者火色黃白故曰不純也
易賁卦曰山下有火黃不色也

植釀

楊億傳燈錄序或非古德之文間則編聯徒憎植釀亦
用簡別多所屏去

志

章楓山蘭谿志 馬應龍安邱志 邢侗武定州志十五

卷 史蓮芴介休志 嚴嵩袁州府志十四 都元敬

黃山圖經 李懋卿東莞志 邵寶許州志三 趙浚

齊平源府志 胡纘宗秦州志三十 汪來北地志

喬世寧耀州志十一卷嘉靖三十六年修 王九思鄠志 康海武

功縣志三 韓邦靖朝邑志二 張光孝華州志 馬

槪同州志 列九經鄜志 李于鱗青州府志 楊循

吉章邱縣志四 呂坤寧陵縣志十二

訓詁

訓詁漢儒其詞約其義古宋人則辭費矣文亦近鄙

漢末用貢舉之弊

抱朴子審舉篇云靈獻之世閭宦用事羣姦秉權危害
忠良臺閣失選用于上州郡輕貢舉于下夫選用失於
上則牧守非其人矣貢舉輕于下則秀孝不得賢矣故
時人語曰舉秀才不知書察孝廉父別居寒素清白濁
如泥高第良將怯如雞又云古人欲達勤誦經今世圖
官免治生蓋疾之甚也于時懸爵而賣之猶列肆也爭
津者買之猶市人也有直者無分而徑進空拳者望途
而收迹其貨多者其官貴其財少者其職卑故東園積
賣官之錢崔烈有銅臭之嗤上爲下倣君行臣甚故阿
倭幸獨談親容桑梓議主中正吏部並爲魁僧中正起於魏
各責其估清貧之士何理有望哉怯如雞舊本作怯如
龜泥音涅龜音密

六物

抱朴子辨問篇玉鈐經主命原曰人之吉凶制在結胎受氣之日皆上得列宿之精其值聖宿則聖值賢宿則賢值文宿則文值武宿則武值貴宿則貴值富宿則富值賤宿則賤值貧宿則貧值壽宿則壽值仙宿則仙又有神仙聖人之宿有治世聖人之宿有兼二聖之宿有貴而不富之宿有富而不貴之宿有兼富貴之宿有先富後貧之宿有先貴後賤之宿有兼貧賤之宿有富貴不終之宿有忠孝之宿有兇惡之宿如此不可具載其較略如此

詩小弁曰天之生我我辰安在鄭箋云辰謂六物之吉

凶

水旱免稅令

水旱免稅令曰諸田有旱蟲霜處拘見營田州縣檢實具帳申省十四損已上免租稅調七已上課役俱免若桑麥俱盡各免其所輸聽折來年經二年後不在折限其應免者通計麥用爲分數

白氏六帖

湖廣總論

景范湖廣總論曰以天下形勢言之則重在襄陽以東南形勢言之則重在武昌以一省形勢言之則重在荆

州潛邱笥記

東南形勢

呂祉曰吳紀陟之聘魏也司馬昭問吳成備幾何曰西陵至江都五千七百里又問道里甚遠難爲固守對曰界雖遠而險要必爭之地不過數四猶人有八尺之軀其護風寒亦數處耳今所謂險要必爭之地者不過江陵武昌襄陽九江江水源於岷山下夔峽而抵荆楚則江陵爲之都會岷水合洞庭之波而輸之于江則武昌爲之都會沅湘眾水合洞庭之波而輸之于江則武昌爲之都會豫章西江與鄱陽之浸浩瀚吞納而匯于溢口則九江爲之都會守江陵可以開蜀道守襄陽可以援川峽守武昌九江可以蔽全吳蜀漢吳楚併而爲一則東南之守亦固矣

同上

薙髮 金人服

西漢曰遵金制士人皆衣冠不薙髮至元始戴笠薙髮

金輿服志金人之常服四帶巾盤領衣烏皮靴其束

髮曰吐鶻同上

經術

潛邱語以禹貢行河以洪範察變以春秋斷獄或以之

出使以司刑按律令條法以三百五篇當諫書以周官

致太平以禮爲服制以興太平斯真可謂之經術矣同上

戶口錢糧

洪武三年二月癸酉上命中書省臣凡行郊祀禮以天

下戶口錢糧之籍陳于臺下祭畢收入內庫藏之同上

國忌標式

白孔六帖曰祠部式國忌日期明標邦式

指環

俗說曰晉哀王王皇后有紫磨金指環至小止可第五

指著

初學記

龜兆

漢書文帝紀代王報太后計猶豫未定卜之兆得大橫

後漢書梁皇后紀太史卜兆得壽房東觀記作戴房

續漢書禮儀志注蔡質漢官典職立皇后儀云卜之

著龜卦得承乾 後漢書張衡傳注龜經有棲鶴兆

左傳

僖二十五年晉將納王使卜偃卜之遇黃帝戰於阪泉之兆

試題

金史泰和六年鄉試賈鉉爲監試官上曰丞相崇浩嘗言試題頗易由是進士例不讀書朕今以日合天統爲賦題鉉曰題則佳矣恐非所以牢寵天下士也上曰帝王以難題窘舉人固不可欲使自今積致學業而已遂用之 乾隆二年試博學鴻詞于 閣以五六天地之中合賦命題此與日合天統皆出漢書律曆志予令兒輩讀漢書正謂此等難題也

經筵

金史益政院正大三年置於內庭以學問該博議論宏遠者數人兼之日以二人上直備顧問講尚書通鑑貞

觀政要名爲經筵實內相也

致仕

曰虎通曰臣七十致仕者致其事於君君不使自去者尊賢者也王制曰七十致政鄉大夫老有盛德者留賜之几杖不備以筋力之禮在家者三分其祿以一與之所以厚賢也曲禮曰大夫致仕若不得謝則必賜之几杖王度記曰臣致仕於君者養之以其祿之半几杖所以扶助衰也

徙居說

詩碩鼠曰三歲貫女莫我肯顧逝將去女適彼樂土鄭箋云古者三年大比民或於是徙正義曰正言三歲貫

女者以古者三歲大比民或於是遷徙故以三歲言之
地官小司徒及鄉大夫職皆云三年則大比言比者謂
大校比其民之數而定其版籍明於此時民或得徙地
官比長職曰徙於國中及郊則從而校之注云徙謂不
便其居也或國中之民出徙郊或郊民入徙國中皆從
而付其所處之吏是大比之際民得徙矣 何休公羊
注云司空謹別田之高下善惡分爲三品上田一歲一
墾中田二歲一墾下田三歲一墾肥饒不得獨樂墾塉
不得獨苦故三年一換主易居

嫁娶當慕賢者

公羊僖元年楚人伐鄭何休注曰楚稱人者爲僖公諱

與夷狄交婚故進使若中國又明嫁娶當慕賢者棟案
楚與魯婚得進稱人故云嫁娶當慕賢者

象

熊太古冀越集云象能言有人知其言故通南方之語
者名曰象

太學藏經

詩正義韓詩說辟靡者天子之學圓如璧壅之以水示
圓言辟取辟有德不言辟水言辟靡者取其靡和也所
以教天下春射秋饗尊事三老五更在南方七里之內
立明堂於中五經之文所藏處蓋以草茅取其潔清也

假馬

周禮大司馬注云爭禽而不審者罰以假馬疏云假馬者謂獲禽取算之籌罰者謂效功時爭禽不審卽罰去其籌

便

周禮射鳥氏注鳥鳶喜鈔盜便汙人釋文便婢面反

馬茲 瓜當 爵族

鄭氏周禮圉師注云蓐馬茲也 說文曰蒂瓜當也
若族氏注族讀爲爵族之族疏云爵族是雀窠後鄭從之

褚先生

張晏云褚先生潁川人仕元成間韋稜云褚顗家傳褚

少孫梁相褚大弟之孫宣帝代爲博士寓居于沛事大儒王式號爲先生續太史公書阮孝緒亦以爲然也

索隱

太史公

桓譚新論云太史公造書書成示東方朔朔爲平定因暑其下太史公者皆朔加之者也

持虎

史記禮書寢兕持虎索隱曰寢兕以兕牛皮爲席案以猛獸皮文飾倚較及伏軾故云持虎

家產奴

陳涉世家人奴產子小顏云猶今言家產奴也

繆